

## **TORRABAAI**

deur Tom Dreyer, 2020

gif uit 'n knorhaan se rugvinstekel  
versprei deur my pols my pa laat looi  
met die landcruiser een hand op my skouer  
al is ek 35 ons gee gas terug na torrabaai die veld  
gestippel met mesem en perdeklou ek is af en toe  
weer 22 'n psigiater suggereer elektro-konvulsiewe  
terapie maar ek keer terug na torrabaai en uanib  
en ons drink windhoek in die glimmende oggend  
'n knorhaan doen sy ding stil-stil  
ek het niemand ooit vertel van my aand  
by die reservoir of dat die swart water so  
kil soos skroot was nie ek drink my anafranil  
en my pa rus op tietiekop langs 'n klein kanniedood

